

**Staðfesting forsetans** á skipulagsskrá fyrir Fauna stofnun áhugamanna um náttúruvernd og dýralíf, útgefin á venjulegan hátt að mandatum af dómismálaráðherra 29. október 1986. Skipulagsskráin er þannig:

## SKIPULAGSSKRÁ

fyrir Fauna, stofnun áhugamanna um náttúruvernd og dýralíf.

### 1. gr.

Stofnunin heitir Fauna, stofnun áhugamanna um náttúruvernd og dýralíf. Heimili stofnunarinnar og varnarþing er í Hafnarfirði.

### 2. gr.

Tilgangur stofnunarinnar er að styðja með fjárframlögum starfsemi sem til þess er fallinn að vekja áhuga íslenskra barna og ungmenna á dýrum, lifnaðarháttum þeirra og umhverfi og stuðla að auknum tækifærum ungra og aldinna í þéttbýli, til að sjá dýr með eigin augum og kynnast þannig útliti þeirra og atferli.

Tilgangi sínum hyggst stofnunin ná með því að veita öllum ágóða af starfsemi sinni til áðurnefndra markmiða samkvæmt nánari ákvörðun félagsstjórnar hverju sinni.

### 3. gr.

Stofnfé er kr. 100 000,00 -eitthundraðþúsundkrónur-, sem lagt er fram af stofnendum, sem er Félag áhugamanna um náttúruvernd og dýralíf, sem starfað hefir undir nafninu Fauna til þessa. Starfsemi þess félags er nú yfirtekin af stofnun þessari, þó án skuldbindinga um yfirtöku hugsanlegra skulda.

Stofnfé skal ávaxta á þann hátt sem stjórn stofnunarinnar ákveður. Stofnfé má ekki skerða.

### 4. gr.

Tekjur stofnunarinnar eru vextir af stofnfé og annað fé, sem henni kann að áskotnast, þ.á m. hugsanlegur arður af starfsemi sem stofnunin kann að reka í samræmi við tilgang sinn.

### 5. gr.

Stofnuninni er heimilt að stofna til rekstrar og fjárfestinga í því skyni að markmiði hennar verði náð.

### 6. gr.

Stofnuninni stjórnar þriggja manna stjórn.

Samkvæmt ákvörðun stofnenda skal fyrst stjórnin vera skipuð þessum mönnum: Helgi Jónasson, nnr. 3971-3691, Hæðarbyggð 7, Garðabæ, formaður. Tryggvi Hardarson, nnr. 8944-8514, Hvammabraut 4, Hafnarfirði. Rúnar Brynjólfsson, nnr. 7413-7008, Krosseyrar-vegi 5, Hafnarfirði.

Hver stjórnarmanna tilnefnir varamenn fyrir sig, sem taka skal sæti í stjórninni í fjarveru aðalmanns eða í forföllum hans. Varamaður tekur síðan sæti aðalmanns í stjórninni við fráfall hans og tilnefnir síðan nýjan varamann og svo koll af kalli.

Fari svo að stjórn stofnunarinnar sé ekki fullskipuð, skal dómismálaráðuneytið tilnefna stjórnarmann í hin auðu stjórnarsæti.

Tilnefning manns í stjórnina gildir ávilangt. Þó getur dómismálaráðuneytið vikið manni úr stjórn, ef því þykir ástæða til, svo sem vegna ósæmilegs athæfis.

Stjórn skal halda fundargerðabók, þar sem bóka skal allar ákvarðanir stjórnar varðandi stofnunina, svo sem ráðstöfun fjár, rekstur og allt það annað, sem meðferð fjármuna hennar varðar og máli skiptir.

Einfaldur meirihluti stjórnar ræður ákvörðunum innan stjórnarinnar. Stjórnunar-kostnaður greiðist af tekjum stofnunarinnar.

Stjórn hefir heimild til ráðningar starfsfólks eftir því sem rekstur stofnunarinnar gefur tilefni til.

#### 7. gr.

Fé stofnunarinnar skal vera í vörslu og ábyrgð stjórnarinnar. Reikningsár stofnunarinnar er almanaksárið. Gengið skal frá reikningi stofnunarinnar innan tveggja mánaða frá lokum hvers reikningsárs. Reikningurinn skal endurskoðaður af löggiltum endurskoðanda. Reikningarnir skulu birtir í B-deild Stjórnartíðinda.

#### 8. gr.

Skipulagsskrá þessari má breyta, ef það telst nauðsynlegt eða heppilegt vegna breyttra aðstæðna.

Engin breyting á skipulagsskránni fær þó gildi, nema stjórnin sé einhuga um hana. Aldrei má breyta ákvæðum 2. gr. um meginmarkmið stofnunarinnar né heldur ákvæðum 9. gr. um ráðstöfun á eignum hennar við slit.

Breytingar á skipulagsskránni skulu hljóta samþykki dómsmálaráðuneytisins.

#### 9. gr.

Verði stofnunin lögð niður skulu eignir hennar renna til Hafnarfjarðarbæjar eða annars sambærilegs aðila, sem fellur undir málaflokka þá, sem getur í 2. gr. reglugerðar nr. 748/1983 um frádrátt vegna gjafa til menningarmála og fleira eða reglna, sem síðar kunna að leysa þessa reglugerð af hólmi.

#### 10. gr.

Leita skal staðfestingar forseta Íslands á skipulagsskrá þessari.

## AUGLÝSING

um breytingu á reglugerð um gatnagerðargjöld í Eskifjarðar-  
kaupstað nr. 267 26. júní 1985.

2. gr. orðist svo:

Af hverjum rúmmetra húss greiðist ákveðinn hundradshluti byggingarkostnaðar eins og hann er hverju sinni á vísitöluhúsinu, skv. útreikningi Hagstofu Íslands, svo sem hér segir:

Einbýlishús, með eða án tvíbýlisaðstöðu,	
lágmarksgjald reikn. af 450 m <sup>3</sup> .....	5.0%
Raðhús og tvíbýlishús .....	3.0%
Fjölbýlishús .....	2.0%
Iðnaðarhús .....	3.5%
Verslunar-, skrifstofu- og iðnaðarhús .....	4.5%
Opinberar byggingar .....	5.0%
Annað húsnæði .....	4.0%